

WOSASUC LUHN JISUS KRAIST





MEAC WOSASUC LUHN JISUS KRAIST UH?

Wosasuc luhn Jisus Kraist pa plwacn in engan luhn Pahpah tuhmasr Lucng ac **molwelah*** nuh sin tuhlihk Nahtuhl. Pahngpahng wosasuc luhn Jisus Kraist ke srihpen **Iwacлах** luhn Jisus Kraist pa ma yohk srihpac emet nuh ke plwacn se inge. In oacna ke plwacn Lal, Pahpah tuhmasr Lucng el suhpwacma Wen Nahtuhl, Jisus Kraist, nuh facluh in ahkkahlwemye nuh sesr ohiyacn moule ac moule engan ac puhlakihnye engan ma pahptaht tukun moule se inge. Ke **kuhlwacng** ac pahkomuhta luhn Jisus Kraist, kom kuh in eklac nwacsnwacs liki ma koluk ac engankihn mihs ke luhlalhfongi. Kom kuh in eklac suwohswohs in muhta ye muhtuhn Pahpah Lucng tukun moule se inge.

Nuh ke eisyacn mihs lac ac kuh se inge, kom enenuh in lutlut ac ukwe ip yohk ac akwuck ke wosasuc uh. Sie ip yohk pa ma pwacye lah kuht kuh in srihke ke moule uh; sie **akwuck** el sie mukwikwi in suhnak, ma orek sin mwet wal luhn pristut ac kwacna kalmeyac in orwacлах sie **olwelah** nuh sin Pahpah tuhmasr Inkuhsrao. Ip yohk se emet ke wosasuc pa luhlalhfongi ke Jisus Kraist ac auliyak. Akwuck se emet ke wosasuc pa **pacptais** ac eis Nguhn Muhtahl.

Tukun kom lutlut ac ukwe ip yohk ac akwuck emet ke wosasuc an, kom ac suk in ukwe srihkasrak luhn Kraist ke moule lom nohfohn. Luhlalhfongi yohk kalweniyuck se inge pahngpahng “kampare nuh ke sahflah.”

Kom kuh in moulikhn wosasuc luhn Jisus Kraist ke:

- Ahkyohkye luhlalhfongi ke Jisus Kraist.
- Auliyak.
- In pacptais lac ac eis Nguhn Muhtahl.
- Kampare nuh ke sahflah.

*Kahs ma tuhn sruhsrah ingacn ahkuhtweyucki ke sra puk 18 ac 19.

LUHLAHLFONGI KE JISUS KRAIST

Luhlalhfongi el sie etuh fokoko ma mokle sie mwet in mukwikwi. Luhlalhfongi ma kol nuh ke nuhnak muhnaqs ke ma koluk pa infulwac luhn Jisus Kraist, suc Iwaclah la orwaclah nuhnak muhnaqs uh kuh. Luhlalhfongi ke Jisus Kraist El yohk likina sie luhlalhfongi na Kacl. Kalmeyac pa in luhlalhfongi lah El pa

Wen nuhtin God ac lah El kweok ke ma koluk, ma upac, ac muhnaqs lom an. Kalmeyac pa mukwikwi nuh ke luhlalhfongi sacn. Luhlalhfongi ke Jisus Kraist ac kol kom in luhngse El, luhlalhfongi in El, ac ahkos masap Lal uh.

“Luhlalhfongi Leum God ke insiom kwewa; ac nimet fung nuh ke etuh lom sifacna.

“Esam Leum God in ma nuh kwewa kom oruh, ac El ac fah ahksuwohsye inkacnek lom.”

Soakas 3:5-6

AULIYAK

Luhlalhfongi ke Jisus Kraist kol kom in kena ekuhllah moul lom in wolac liki met ah. Ke kom lutlutkihn wasasuc uh, kom akihlen lah kom orwaclah ma koluk, kuh mukwikwi lain kena ac

luti luhn God. Ke auliyak, kom ekuhllah nuhnak, kena, elah, ac mukwikwi ingacn ma tiacna insese nuh ke luti luhn God uh. El olwelah lah ke kom auliyak uh, El fah nuhnak muhnaqs ke ma koluk lom an. Ke kom auliyak uh kom:


Akihlen lah kom orwaclah ma koluk ac puhla ahsor upac ke ma kom orwaclah ah.

Tui in oruh ma koluk, ac kampare in tiacna sifil oruh.

Taltal ke ma koluk lom nuh sin Leum ac siyuck ke nuhnak muhnaqs. In oruh ma ingacn el eslah sie ma toasr. Kom fin oruh sie ma koluk lain siepacna mwet, kom enenuh pac in siyuck sin mwet sacn ke nuhnak muhnaqs.

Luhlalhfongi ke Jisus Kraist pa ip yohk se emet ke wasasuc uh.





Ahksuwohsye. Kom ac oruh ma nuh kwewa kom kuh in ahksuwohsye elyah ke mukwikwi ma kom orwacalah ah.

Liyacacng masap an. Ahkos masap luhn God usot kuh ke wosacuh nuh ke moul lom an. Wosacuh fah usot nuh sum kuh in kahingkihn ma koluk lom an. Liyacacng masap uh el sisacni in oruh kuhlwcansap, nuhnak muhnahs nuh sin mwet sahyac uh, ac wi miting ke Alu uh.

Akihlen Mwet Lahngo. Ip yohk srihpac se emet ke auliyak pa in akihlen lah nuhnak muhnahs uh tuhkuh ke srihpen Jisus Kraist. Kuhtuh pacl uh kom ac kuh in puhla lah God El fah tiac nuhnak muhnahs ke ma koluk upac uh. Tuhsruhk Mwet Lahngo El kweok ke ma koluk lasr uh in muh kuh in muhlikhnyucklac, finne ma upac se. Ma sikyak ke auliyak pwacye uh pa nuhnak muhnahs, mihs, ahkweye, ac engan.

Auliyak el tiacna kalmeyac pa in orwacalah eklac yohk pacl nuh kwewa. Kwacna orwacalah sie otwelah yohk in moul oacna kena luhn God uh. Auliyak pwacye el suhkwac sa in sikyak; mongfihswacsr nuh sum sifacna ke kom kampare in oruh ma pwacye ac ahksuwohsye ma tahfonglac kom orwacalah an. Ke kom auliyak uh, kom fah puhlakihn sie eklac ke insiac. Kom fah tiac sifil kena in oruh ma koluk. Kom ac etwacack lah kom pa sie tuhlihk nuhtin God ac lah kom tiac enenuh in kalweni in oruh tahfonglac se ingacn pacna pacl nuh kwewa. Kom ac kena in ukwe kena luhn God in kapwack fokoko ac loal.

Kuht nuh kwewa orwacalah tahfonglac. Kuhtuh pacl uh kuht sifacna ahkngalye kuht ac kantweyac mwet sahyac uh ke inkacnek ma kuht koflah in sifacna ahkwoyelah. Kuht kuhnahoslah ma ma kuht muhkwena koflah in ahkwoyelah. Na kuht ac puhla koluk, suhfal, ac kweok, ma kuht muhkwena tiac kuh in onwelah. Kuh in onwelah ke Iwacalah sac kuh in ahkwoyelah ma kuht koflah in ahkwoye uh.

PACPTAIS AC NGUHN MUHTAHL

Luhlhlhlfongi ke Jisus Kraist ac auliyak ahkoekomlac nuh ke pacptais ac eis Nguhn Muhtahl. Jisus Kraist El luti lah mwet nuh kwewa enenuh in pacptaislac ke kof ac ke Nguhn (Nguhn Muhtahl) nuh ke elah ma koluk, kuh nuhnak muhnahs, ke ma koluk uh. Ke pacptaislac sin sie mwet ma sruok wal luhn pristut ac ke eisyacn Nguhn Muhtahl, kom fah sifilpac isuslac ke nguhn.

Efuh Nga Enenuh in Pacptaislac?

Jisus Kraist El orwaclah srihkasrak nuh sesr ke in pacptaislac in “ahkfalyelah ma suwohswohs nuh kwewa” (Mattu 3:15). Ke kom pacptaislac uh, kom eis iyucklac ke ma koluk lom uh (liye Orekma 2:38). Kom orwaclah sie uli, kuh olwelah, yurin God: kom olwelah in eis Jisus Kraist oacna Mwet Lahngo lom, in

ukwacl, ac in liyacacng masap Lal uh. Kom fin oruh ip lom, Pahpah tomom Lucng El olwelah in nuhnak muhnahs ke ma koluk lom. Ke kom pacptaislac ke wal suwohs uh, ma koluk lom uh iyucklac.

Pacptais orek ke kihtin tili otyak nuh ke kof uh. Pa inge ohiyac se ma Jisus Kraist El pacptaislac kac ah. Pacptais

ke tili otyak el sie akucl muhtahl ke misac, puckpucki, ac Sifil Moulyak luhn Jisus Kraist; el ahol sahflahiyacn moul mahtuh lom ac muhtwacwacackiyacn sie moul sasuc oacna sie mwet fahsr tukun Jisus Kraist.

Efuh Nga Enenuh in Eis Nguhn Muhtahl?

Ke pacptais uh ohllah ma koluk lom uh, Nguhn Muhtahl ac ahkmwesahsyelah, kuh ahknwacsnwacsye komlac. Fin yohk luhlhlhlfongi lom na nuh ke olwelah ke pacptais lom an, Nguhn

Jisus El topuk, Nga fahk na pwacye nuh sum, sie mwet el fin tiac isuslac ke kof ac Nguhn, el koflah ilyak nuh in tohkohsrahi luhn God.”

Jon 3:5



Muhtahl kuh in wi kom pacl nuh kwewa. Mwet wo nuh kwewa kuh in puhla mokleyuck luhn Nguhn Muhtahl, tuhsruhk elos muhkwenasuc pacptaislac ac eis Nguhn Muhtahl uh pa oasr suwohs la nuh ke wi Lal ke moul uh.

Nguhn Muhtahl kahrwekom in akihlen ac kahlwem ke ma pwacye. El sang nguhnnguhn ke kuh ac mokleyuck. El ahkweye kom ke pacl upac ac kol kom ke orwacalah sulacalah uh. Kom kuh in puhla luhngse luhn God ac mokleyuck ke moul lom nohfohn sin Nguhn Muhtahl.

Kom kuh in lutiyuck ac kolyuck sin Nguhn Muhtahl. “Nguhn Muhtahl, el fah tuhkuh ac kahrwekewos, mweyen Pahpah El fah suhpwacma ke inek, el fah luti kowos ma nuh kwewa, ac oruh kowos in esamwack ma nuh kwewa ma Nga fahk tari nuh suwos.”

Jon 14:26

Kuh lom in engankihn mwe sang wolacna se inge wiwina ahkostwen lom nuh ke masap luhn God. Nguhn Muhtahl el koflah in muhta na yurin mwet ma tiac moulkihn luti luhn God uh. Ac wacngihnlac suwohs lalos nuh ke kolyuck ac mokleyuck Lal uh. Kampare lwen nuh kwewa in nwacsnwacs nuh ke wi ac kolyuck luhn Nguhn Muhtahl.

Kom eis Nguhn Muhtahl tukun pacptais. Ke sie akwuck pahngpahng **ahkkweyeyucklac**, mwet sruok wal luhn pristut se kuh luoyak ac fihliyac paholos fin sifom. Elos ac ahkkweye komlac in sie mempucr ke Alu uh ac ahkinse-

wowoye kom in eis Nguhn Muhtahl. Akwuck se inge kwacna orek ke kuhlwacnsap ke sie alu tukun pacptais an. Ke kom pacptaislac ac ahkkweyeyucklac uh, kom ac eklac sie mempucr ke Alu luhn Jisus Kraist luhn Mwet Luhlahlfongi ke Lwen-sahflah.

Kahs ma tuhn sruhsrah ingacn ahkuhtweyucki ke sra puk 18 ac 19.

Nguhn Muhtahl ituckyang ke fihliyac paho an.





Kuhfa luhn Leum

Tukun kom pacptaislac, kom kuh in ahksasucye olwelah ke pacptais lom kais sie wik ke ipeis **kuhfa luhn Leum**. Ke pacl in kuhlwasn sapuh kuhfa luhn Leum, fuhlao ac kof an ac ahkinsewo-woyeyucklac ac kihtakatwelihk nuh sin mwet alu an oacna sie mwe acsmakihn ke Iwacalah luhn Jisus Kraist. Fuhlao uh ahol Mahnol, ac kof uh ahol srah Kacl. Ke kom ahksasucyelah olwelah ke pacptais lom an uh, kom olwelah lah kom fah eis Nguhn, kuh Nguhn Muhtahl, in wi kom lwen nuh kwewa.

*Kuhfa luhn Leum ac
kahrwekom in esam ke
tarilacna ke moul, lutlut, ac
Iwacalah luhn Jisus Kraist.*

KAMPARE NUH KE SAHFLAH

Kom eklac sie mempucr ke Alu luhn Jisus Kraist luhn Mwet Luhlahlfongi ke Lwen-sahflah ke luhlahlfongi ke Jisus Kraist, auliyak, ac akwuck ke pacptais ac ahkkweyeyucklac. Tukun kom eklac sie mempucr ke Alu uh, kom fah kalweni in ahkyohkye kahlwem lom. Kom fah kalweni in ahkyohkye luhlahlfongi ke Jisus Kraist, auliyak, ahksasucye olwelah ke pacptais lom ke ipeis kuhfa luhn Leum, ac ukwe kolyuck luhn Nguhn Muhtahl. Ip yohk emet ac akwuck ke wosasuc inge sie pactuhn in ukwe ke lusen moul uh. Olwelah ke moul lom nohfohn se inge kwacna pahngpahng “kampare nuh ke sahflah.”

Kampare nuh ke sahflah use inkacnek, mihs, ac engan ke moul uh. Kom fah puhla engan ke srihkeyacn in eklac oacna Jisus Kraist ke kom kuhlwacnsap ac kahsruh mwet siskom an. Kom fah kahlwem yohk ke akuhpahsri lom nuh sin Pahpah tomom Lucng ac puhla luhngse wolacna Lal nuh sum. Kom fah puhla finsrak ac sie atacn srihpac ke sie facluh kwacna suhpwacr ac koluk.

Wosasuc luhn Jisus Kraist
pa inkacnek nuh ke moul.

“Kom enenuh in fahsr nuh met ke sie
kuh fokoko ke Kraist, eis sie kahlwem
wolacna ke finsrak, ac luhngse luhn
God ac nuh sin mwet nuh kwewa.

Kowos fin fahsr nuh met, lutlut ke kaks
luhn Kraist, ac kampare nuh ke sahflah,
Pahpah Tuhmwacsr Inkuhsrao:
El ac fah ahkinsewowoye kuht
ke moul ma pahtpaht.”

2 Nephi 31:20



NGWAC KUH IN ETUH FUHKAH?

Wosasuc luhn Jisus Kraist fohlohkihn-yuckyak ke fwackyuck luhn God nuh sel Mwet Pahluh Joseph Smith ac nuh sin mwet pahluh sahyac uh.

Kom kuh in sifacna etuh lah ma inge pwacye ke siyuck sin Pahlpah tomom Lucng ke pruhe. El fah topuk kom ke Nguhn Muhtahl, suc pahngpahng pac Nguhn luhn God. Nguhn Muhtahl ahkpwacyei, kuh fahkwack, ke Pahlpah Lucng ac Jisus Kraist. Nguhn Muhtahl ahkweye ma pwacye uh ke puhla, nuhnak, ac atac uh. Puhla ma tuhkuh sin Nguhn Muhtahl uh fokoko na upac, tuhsruhk elos kwacna

fihsrwacsr ac mihs. Oacna ke Pwacpuhl luti uh, “Ac fahko luhn Nguhn pa luhngse, engan, mihs-lac, mongfihsrwacsr, kuhlwacng, orekma wo, oaru, puhsisacl, [ac] sifacna leum fac” (Mwet Galatia 5:22–23).

Puhla inge pa sie mwe ahkweyeyucklac sin Nguhn Muhtahl lah pweng inge pwacye uh. Kom fah enenuh in sulaclah lah kom ac fah moulkihn wosasuc luhn Jisus Kraist oacna ke fohlohkihnyuckyak sel Joseph Smith ah.

Nga ac Pruhe Fuhkah?

- Ahkfuhlwactye Pahlpah tomom Lucng.
- Ahkkahlwemye puhla luhn insiom (tarilacna, kihsen siyuck, nguhsr in ahkweye pwacyeyiacn Puk luhn Mormon ac luti luhn misineri an).
- Kaliyac (“Ke inen Jisus Kraist, amen”).

TAHK KE KAHS

Ahkkweyeyucklac Inkacnek ma sie mwet eis Nguhn Muhtahl. Ke akwuck inge, ma kwacna orek ke miting ke kuhfa luhn Leum tukun na pacptais an, mwet sacn ac ahkkweyeyucklac, kuh oreklac, sie mempucr ke Alu luhn Jisus Kraist luhn Mwet Luhlahlfongi ke Lwen-sahflah.

Akwuck Sie mukwikwi muhtahl, suwohs luhn wal ke pristut uh. Srihkasrak an weacng pacptais, eis Nguhn Muhtahl, ac kuhfa luhn Leum. Akwuck uh kwacna sie kalmeyac in orwacлах olwelah nuh sin God.

Iwacлах Ma sikyak ma lwelah kuht in fas yurin God. In iwacлах pa in kweokkihn fohlohkihnyacn ma koluk, ke srihpen eslah ma sikyak ke ma koluk luhn mwet orwacлах ma koluk ma auliyak. Jisus Kraist pa mwet sefanna ma kuh in orwacлах sie Iwacлах suwohswohs nuh sin mwet nuh kwewa uh. Iwacлах Lal weacng pac kweok Lal nuh ke ma koluk lasr uh, sohrohrlah ke srah Kacл, ac misac ac Sifil Moulyak Lal. Ke srihpen Iwacлах sac, mwet nuh kwewa ma moul uh fah sifil moulyak. Iwacлах sac use pac nuh sesr sie inkacnek in eis nuhnaк muhnahs ke ma koluk lasr uh ac in moul ma pahtpaht yurin God.

Kuhfa luhn Leum Sie akwuck ma ahkacsmakihnye mempucr ke Alu uh ke Iwacлах luhn Jisus Kraist. Ke ip eisyacn kuhfa luhn Leum, kuht ahksasucye olwelah kuht orwacлах ke pacptais ah. Fuhlao ac kof uh ahkinsewowoyeyucklac ac ituckyang nuh sin mwet alu an. Fuhlao uh ahol mahnnon Jisus Kraist, ac kof uh ahol srah Kacл uh. Akwuck se inge sikyak kais sie wik ke sie kuhlwacnsap in alu pahngpahng miting ke kuhfa luhn Leum.

Moullac Itucklac liki ma koluk ac misac. Moullac el oreklac kuh ke Iwacalah luhn Jisus Kraist. Ke Sifil Moulyak luhn Jisus Kraist, mwet nuh kwewa fah kuh in kuhtanglah ma sikyak ke misac. Kuht kuh pac in moullac liki ma sikyak ke ma koluk lasr ke luhlalfongi ke Jisus Kraist. Luhlalfongi se inge orek ke sie moul in auliyak ac ahkostwen nuh ke masap ac akwuck ke wosasuc ac kuhlwasnasp nuh sin Kraist.

Olwelah Sie in seselac inmahsrln God ac tuhlihk Nahtuhl uh. God El use ohiyak nuh ke olwelah uh, ac kuht in sese in Ahksol. God El olwelah kain in mwe in sewowo nuh ke ahkostwen lasr.

Pacptais Sie step yohk emet ke eisyacn nuhnak muhnahs ke ma koluk uh. Ke pacptais ac ahkkweyeyucklac ke wal luhn pristut, kuht eklac mempucr ke Alu luhn Jisus Kraist luhn Mwet Luhlalfongi ke Lwen-sahflah. Pacptais ke tili otyak, kalmeyac ma mwet se in pacptaislac ke sana tili nuh lun kof uh. Pacptais el ahkkahlwemye kena lasr in ukwe srihkasrak luhn Kraist ac in orwacalah olwelah yurin God uh.

Pahkotwen Kahsruh ac kuh wolacna utuckuh ke luhng kuhlwacng ac luhngse luhn Jisus Kraist. Ke pahkotwen Lal, oreklac kuh ke Iwacalah Lal, mwet nuh kwewa fah sifil moulyak. Ke pahkotwen Lal, mwet suc kalweni in auliyak ac moulkihn wosasuc Lal uh fah puhla sie fototo kalweniyuck nuh sin Pahpah tuhmwaclos Inkuhsrao ke moul se inge ac muhta ye Muhtahl tukun moul se inge.

MWE LUTLUT WEACNG AN

Kihsen siyuck ac ma suhmuhslah ten inge fah kahsrwekom in lut-lut yohk ke ip yohk ke puk srihsrihk se inge ac motko kac. Tahk an tiacna wi; futnot ac mwe kahsrüh ke ma suhmuhslah uh fah uskomlac nuh ke pohloh sramsram ac mwe kahsrüh weacng an.

Meac wosasuc luhn Jisus Kraist uh?

3 Nephi 27:13–22 (Puk luhn Mormon, sra puk 459–60)

Meac kalmeyac in oasr luhlhlafongi la?

Luhlhlafongi kuh in usot kuh nuh sum fuhkah?

Mwet Hiebru 11:1, 6 (Pwacpuhl, Olweacng Sasuc)

Alma 32:21, 26–28 (Puk luhn Mormon, sra puk 289–90)

Ether 12:6 (Puk luhn Mormon, sra puk 509)

Meac kalmeyac in auliyak?

Efuh mwet nuh kwewa enenuh in auliyak?

Luk 15:3–10 (Pwacpuhl, Olweacng Sasuc)

Orekma 3:19 (Pwacpuhl, Olweacng Sasuc)

Alma 12:33–34 (Puk luhn Mormon, sra puk 240)

Efuh mwet nuh kwewa enenuh in pacptaislac?

Orekma 2:38 (Pwacpuhl, Olweacng Sasuc)

2 Nephi 31–32 (Puk luhn Mormon, sra puk 112–16)

Meac Nguhn Muhtahl?

Nguhn Muhtahl ac ahkinsewowoye moul lom fuhkah?

2 Nephi 32:5 (Puk luhn Mormon, sra puk 115)

3 Nephi 27:20 (Puk luhn Mormon, sra puk 459)

Meac srihpac luhn kuhfa luhn Leum uh?

3 Nephi 18:1–12 (Puk luhn Mormon, sra puk 442)

Moroni 4–5 (Puk luhn Mormon, sra puk 519–20)

Meac kalmeyac in kampare nuh ke sahflah?

2 Nephi 31:15–20 (Puk luhn Mormon, sra puk 114)

3 Nephi 15:9 (Puk luhn Mormon, sra puk 437)

WI KUHT ALU

FAHSRUH AC LIYE OHIYAC MA WOSASUC
FOHLOHKIHNKYUCKYAK UH KUH IN
AHKINSEWOWOYE MOUL LOM AN



Miting ke kuhfa luhn Leum pa kuhlwacnsap yohk srihpac emet ke alu uh. Kwacna tari ke lusen ao se kuhtuh ac nein kain ma ten inge:

On in Alu an: Onkihnyauck sin mwet alu an. (On in Alu an ituckyang.)

Pruhe an: Orek sin mempucr ke Alu fin acn an.

Kuhfa luhn Leum: Fuhlao ac kof uh ahkinsewowoyeyucklac ac kihtakatwelihk nuh sin mwet alu uh in esam Iwacalah luhn Jisus Kraist.

Mwet in sramsram an: Inkaiyacn pacl uh mempucr se kuh luo ma sifil pakpucki ke mwet an ac sramsram ke sifac ke wosasuc uh.

Nuknuk: Mukul ac tuhlihk mukul an kwacna nukum wes kuh tuhrasis wowo wi sie fohrohk kuh nektai. Muhtwacn ac tuhlihk muhtwacn an nukum nuknuk kuh sikuct an.

Mani orekweni uh tiacna orek ke pacl in kuhlwacnsap ke alu uh. Kuht oacyapac suli kom in wi miting inge, oacna ke kena ac u in matwac lom an. Tahk ac oasr luhn miting inge kuh in ikihlyuck.

Sacri Skul: Kuhlals nuh ke lutlutkihn ma suhmuhslah ac mwe luti ke wasasuc uh.

Miting luhn pristut an: Kuhlals nuh sin mukul ac tuhlihk mukul matwac 12 ac mahtuhyak.

Rilif Sosaiti: Kuhlals nuh sin muhtwacn matwac 18 ac mahtuhyak.


Muhtwacn Fuhsr: Kuhlals nuh sin tuhlihk muhtwacn matwac 12 nuh ke 18.

U luhn Tuhlihk Srihsrihk: Kuhlwacnsap luhn U ac kuhlals nuh sin tuhlihk matwac 3 nuh ke 11. Sie nuersucru nuh sin tuhlihk matwac mahlwem 18 nuh ke yac 3 el kwacna oasr.



Pacl in miting ke Kuhfa luhn Leum: _____

Actres ke lohm alu: _____



Meac Nga Enenuh in Oruh?

- Riti Puk luhn Mormon an.

Mwe Rit Tohuyak an: _____

- Pruhe in etuh lah Jisus Kraist pa Mwet Lahngo lom.
- Auliyak ac pruhe nuh ke nuhnak muhnahs ke ma koluk lom an.
Kampare in moulkihn masap luhn God an.

- Wi alu.

- Ahko in pacptaislac ke _____

- Muhtwacta nuh ke www.mormon.org in lutlut ke fohlohkihnyuck luhn wosasuc luhn Jisus Kraist.

- Kalweni in ohsun nuh sin misineri an in lutlut yohk ke ma pwacye ma God el fohlohkohwack sin mwet pahluh in lwen-inge an.

Ohsun se tok an: _____

Inen misineri an ac nempuh in tacluhfon an:

ALU LUHN
JISUS KRAIST
LUHN MWET
LUHLAHLFONGI LAL
KE LWEN-SAHFLAH

www.mormon.org

Akhihnyuck petsac

Acn met ke koton puk: Ma itucklac ke *Kof in Moul*, sel Simon Dewey. © Simon Dewey. Tiac kapi
Sra puk 2: Ma itucklac ke *Luti fin oh uh*, sel Carl Heinrich Bloch. Orekmakhnyuck ke lwelah luhn National Historic
Museum e Frederiksborg fin acn Hillerød, Denmark
Sra puk 5: *Kraist el Ahkmoulyeack Tuhlihk Muhtwacn se nahtuhl Jairus*, sel Greg K. Olsen. © Greg K. Olsen
Sra puk 6: *Mwet Orwe Elahl se*, sel Greg K. Olsen. © Conceptions Unlimited Investments, Inc. Tiac kapi
Sra puk 9: *Jon Pacptais el Pacptaisellah Jisus*, sel Greg K. Olsen. © Greg K. Olsen. Tiac kapi

© 2011 sel Intellectual Reserve, Inc. Kuh ac suwohs nuh kwewa fihlyucki. Sihmlac fin acn USA.
Ahkkweyeyucklac ke kahs English: 11/05. Ahkkweyeyucklac ke lweng: 11/05.
Lwenglah luhn *The Gospel of Jesus Christ*. Kosraean. 01142 868

KOSRAEAN



01142 868